



## Terenga 3: Hōtaka 36 - He whakarāpopoto i ngā whakaaro o tētehi atu

### He Mihi

Kei ngā mangainga a ngā tūpuna o te ao kōhatu, tēnā rā koutou e whaiwhai mai nei i tēnei kaupapa me kore noa e ora te reo i waiho mai ai e rātou mā ki a tātou.

### Hei Mahi Whakarongo

Tokotoru ngā kaikōrero ka rangona i te kiriata poto e haere ake nei. He kaumātua katoa.

Ko te kaupapa o ā rātou kōrero, ko ngā whakataukī o te ao kōhatu. Anei ngā pātai hei whakautu mā koutou:

1. He aha te tohu kei roto i tā te iwi Māori parau i te whenua?
2. Ko wai mā ka noho tonu ki ngā whakataukī o te kāinga ake?
3. He aha te mate o te ao nei, hei tā Hone?

### He Whakamārama

Anei ētehi kīanga hei whakarāpopoto i ngā whakaaro o tētehi atu tangata.

- Hei tā...
- E ai ki a...
- Ki a...

Mena ka whakamahi koe i tētehi o ngā kīanga o runga ake nei, me toai i te pū mena ka whakawhānuitia e koe te kōrero. Tēnā tirohia ngā tauria e whai ake nei.

- Hei tā taku hoa, hei tā Mere...
- E ai ki te tumuaki o te kura, ki a Hēmi...
- Ki taku kuia, ki a Reremoana...

### Hei Mahi

**Whakamāoritia ēnei rerenga e whai ake nei:**

1. According to Te Kāea reports, it's going to rain tomorrow.
2. My teacher, Pita Smith, says I should show the persistence of the muttonbird.
3. My mum says my grandfather was a very hardworking man.
4. According to his book, she was an important woman in the tribe.
5. This notice says you're not allowed to light fires here.

### He Whakautu:

1. E ai ki ngā pūrongo a Te Kāea, ka heke te ua āpōpō.
2. Hei tā taku kaiako, hei tā Pita Smith, me manawa tītī ahau.
3. E ai ki taku whaea, he tangata pukumahi taku tupuna.
4. E ai ki tā tana pukapuka, he nui te mana o tērā wahine i roto i te iwi.
5. Hei tā tēnei pānui, kāore e whakaaetia te tahu ahi i konei.